



Arkivnr: 2014/13889-45
Saksbehandlar: Lise Fauskanger Ådlandsvik

Saksframlegg

Saksgang

| Utval | Saknr. | Møtedato |
|------------------------------------------|--------|------------|
| Fylkestrafikksikringsutvalet i Hordaland | | 30.11.2016 |

Trafikktryggleik i den vidaregåande skule - Er du sikker?

Samandrag

Ungdom er ei viktig målgruppe for trafikksikringsarbeidet både nasjonalt og lokalt. Trass i at talet på drepne og hardt skadde i alderen 15-24 år har ei tydeleg fallande kurve (1990-2015), så er ungdom og trafikk eit alltid like viktig fokusområde. Som stor skuleeigar har fylkeskommunen ein særleg sjanse til å setje trafikksikring på dagsorden for denne aldersgruppa. Både lokalt og regionalt vert det gjort ein del trafikksikringsarbeid i regi av fylkeskommunen, Trygg Trafikk, Politiet og Statens vegvesen og andre aktørar der ungdom er målgruppa. Dette arbeidet må støttast oppunder og halde fram, samstundes som også andre type verkemiddel bør takast i bruk for å nå målgruppa. Eit eksempel, i regi av fylkeskommunen, er kampanjefilmsnutten som Fylkestrafikksikringsutvalet (FTU) lagar hausten 2016.

Rundt om i landet vert det arbeidd ulikt i forhold til trafikksikringstiltak retta mot ungdommar. Trygg Trafikk kjenner dette arbeidet gjennom sine distriktsleiarar, og fylkesrådmannen har no vore i dialog med Trygg Trafikk for å høyre kva for tiltak dei kjenner til i andre fylke som er retta inn mot den vidaregåande skulen. Trygg Trafikk viser til prosjektet *#Er du sikker?* som rettar seg direkte mot 1., 2. og 3. klasse i den vidaregåande skulen. Trygg Trafikk har gjennomført prosjektet i nokre utvalde fylkeskommunar i 2015 og 2016. Prosjektet er bygd opp som ein konkurranse, der ulike typar oppdrag knytt til ungdom og trafikktryggleik skal gjennomførast av elevane i ein periode på tre veker om hausten.

Etter fylkesrådmannen si vurdering kan *#Er du sikker?* vere eit tenleg konsept å introdusere på nokre av skulane i Hordaland i 2017. Ettersom tiltaket er utarbeida og vert styrt av Trygg Trafikk er det avgrensa kostnader knytt til prosjektet for den einskilde fylkeskommune. I hovudsak er det snakk om midlar til premiar og materiell som kan gå over «Kampanjeposten» til FTU.

For at Hordaland skal kunne delta i 2017 må skulane vere klar innan mars 2017, medan konkurranse vert gjennomført hausten 2017.

Forslag til vedtak

1. Fylkestrafikksikringsutvalet (FTU) ber om at kampanjeprosjektet *#Er du sikker?* vert gjennomført i Hordaland hausten 2017, under føresetnad av at fylkesrådmannen sørger for deltaking frå 2-3 skular i 2017.

Rune Haugsdal
fylkesrådmann

Håkon Rasmussen
fylkesdirektør samferdsel

Saksframlegget er godkjent elektronisk og har derfor inga underskrift.

Vedlegg

1 Prosjekt *#Er du sikker?* Informasjon

Fylkesrådmannen, 07.11.2016

Bakgrunn

Ungdom er ei viktig målgruppe for trafikksikringsarbeidet både nasjonalt og lokalt. Trass i at talet på drepne og hardt skadde i alderen 15-24 år har ei tydeleg fallande kurve (1990-2015), så er ungdom og trafikk eit alltid like viktig fokusområde. Som stor skuleeigar har fylkeskommunen ein særleg sjanse til å setje trafikksikring på dagsorden for denne aldersgruppa. Både lokalt og regionalt vert det gjort ein del trafikksikringsarbeid i regi av fylkeskommunen, Trygg Trafikk, Politiet og Statens vegvesen og andre aktørar der ungdom er målgruppa. Dette arbeidet må støttast oppunder og halde fram, samstundes som også andre type verkemiddel bør takast i bruk for å nå målgruppa. Eit eksempel, i regi av fylkeskommunen, er kampanjefilmsnutten som Fylkestrafikksikringsutvalet (FTU) lagar hausten 2016.

Rundt om i landet vert det arbeidd ulikt i forhold til trafikksikringstiltak retta mot ungdommar. Trygg Trafikk kjenner dette arbeidet gjennom sine distriktsleiarar, og fylkesrådmannen har no vore i dialog med Trygg Trafikk for å høyre kva for tiltak dei kjenner til i andre fylke som er retta inn mot den vidaregåande skulen. Trygg Trafikk viser til prosjektet *#Er du sikker?* som rettar seg direkte mot 1., 2. og 3. klasse i den vidaregåande skulen. Trygg Trafikk har gjennomført prosjektet i nokre utvalde fylkeskommunar i 2015 og 2016. Prosjektet er bygd opp som ein konkurranse, der ulike typar oppdrag knytt til ungdom og trafikktryggleik skal gjennomførast av elevane i ein periode på tre veker om hausten.

Etter fylkesrådmannen si vurdering kan *#Er du sikker?* vere eit tenleg konsept å introdusere på nokre av skulane i Hordaland i 2017. Ettersom tiltaket er utarbeida og vert styrt av Trygg Trafikk er det avgrensa kostnader knytt til prosjektet for den einskilde fylkeskommune. I hovudsak er det snakk om midlar til premiar og materiell som kan gå over «Kampanjeposten» til FTU.

For at Hordaland skal kunne delta i 2017 må skulane vere klar innan mars 2017, medan konkurranse vert gjennomført hausten 2017.

Prosjektet *#Er du sikker?*

#Er Du Sikker? er ein trafiktryggleikkampanje frå Trygg Trafikk som er støtta av Gjensidige Forsikring, og rettar seg mot vidaregåande elevar. Kampanjen vil finne stad kvar haust. Dette inneber at kampanjen når elevar som er i gang med å ta førarkortet, og i ein periode der mange av desse kjøper sin fyrste bil. Det er særst positivt at kampanjen også omfattar 2. klasse ettersom dette er siste året på skulen for dei som skal ut i lærlingpraksis.

#Er du sikker? er lagt opp som ein konkurranse der målet er å gje elevane ny kunnskap om trafikk gjennom si eiga deltaking. For å vinne må elevane samle poeng til sin skule ved å levere ulike oppdrag, - døme på dette er eit bilete frå trafikken, eller å svare på ei undersøking. Oppdraga tek lita tid og er enkle å gjennomføre. Dess fleire elevar på skulen som deltek, og leverer oppdrag, dess fleire poeng får skulen. Skular over heile landet konkurrerer mot kvarandre om flest mogleg poeng, og hovudpremien er ein konsert med ein kjend artist. I tillegg konkurrerer elevar frå same fylke om å vinne eit individuelt køyreskulestipend og vekepremiar.

Det er kostnadsfritt for skulane å delta, og konkurransen tek lita eller ingen tid frå undervisninga. Trygg Trafikk har etablert ei eiga heimeside for konseptet: <http://erdusikker.tryggtrafikk.no/>

Fylkesrådmannen sine kommentarar

For å skape gode haldningar, og ikkje minst god åtferd i trafikken, må det nyttast fleire ulike kanalar og formspråk. Fleire av dei vidaregåande skulane i fylket har eigne trafikksikringsdagar der elevane får sett blålysetatane i aksjon, og høyre frå dei som har kjend trafikkulukke tett på kroppen. Å formidle budskapet gjennom slike arrangement er ein pådrivar til å få elevane til å verte meir merksam på trafikk og trafikkulukker. Samstundes er dette i mange tilfelle einvegskommunikasjon, der elevane er tilskodarar/-hørarar. I tillegg er dette arrangement som berre går over nokre timar, og ikkje over ein lengre periode.

Prosjektet #Er du sikker? vil på ein heilt annan måte kunne engasjere elevane til sjølv å ta del i prosjektarbeidet, og i tillegg vert det eit engasjement over eit lengre tidsrom. Ut i frå årshjulet til eit skuleår høver vekene oktober/ november nokså bra som eit kampanjetidspunkt.

Etter fylkesrådmannen si vurdering kan #Er du sikker? vere eit lærerikt og tenleg konsept å introdusere på nokre av skulane i Hordaland hausten 2017. Skulane og samansetjinga av elevar er svært ulik, og kunnskapsbehovet om trafikktryggleik varierer. Medan det på nokre skular er mange elevar med egne bilar og mykje køyring både kvardag og helg, er det på andre skular få bilistar, men heller eit større fokus på trafikk i bymiljø. Felles for alle skulane er russefeiringa, og med det stor grad av fokus på russebilar og – bussar. Å vere med å bidra til auka kunnskap og meir bevisstgjerung om trafikktryggleik hjå elevane sjølv, vil etter fylkesrådmannen sitt syn alltid vere ei god investering.

Arbeidet med prosjektet er for omfattande til at det kan setjast i gang på alle dei 44 vidaregåande skulane i fylket, men det ligg til rette for at nokre av skulane kan vere pilotskular i Hordaland neste år. Eit utgangspunkt her kan vere å invitere skulane med, og at ein legg opp til 2-3 skular i 2017 som ein start. Skulane som bør inngå i prosjektet bør ha ei stor eigeninteresse i å delta, og gjerne også i større grad enn andre hatt særlege utfordringar med trafikktryggleiken og russefeiringsavviklinga.

Fylkesrådmannen sitt forslag er å startar med nokre skular, og i tillegg nytte noko av kampanjemidlane til å vidareutvikle konseptet til fleire skular i åra som kjem.